



萬首唐人絕句 三十八九




漢書門			
三	二	一	三
冊	架	函	號類

內閣文庫			
三	一		漢
九	二		書
函	三		
一	〇	三	
一		冊	號類

內閣文庫		
番號	漢	11223
冊數	30 (29)	
函號	319	68





宋洪魏公進萬首唐人絕句卷之三十八

明吳郡趙宦允凡夫瘵

靈巖黃習遠伯傳竄補

七言三十八 晚唐第十一

入關言懷

黃滔 補

宵將蹤跡向京師出在先春入後時落日灞橋


飛雪裏已聞南院有看期 類苑

過長江

曾搜景象恐通神地下還應有主人若把長江

比湘浦離騷不合自靈均 類苑

萬首絕句 卷之三十八 二三四七



題靈峯僧院

繫馬松間不忍歸。數巡香茗一枰碁。擬登絕頂留人宿。猶待滄溟月滿時。類苑

司馬長卿

一自梁園失意回。無人知有挾天才。漢官不鎖陳皇店。誰肯量金買賦來。類苑

歸思

關北風煙空漢月。湘南雲水半蠻邊。寒為旅鴈暖還去。秦越離家可十年。類苑

東林寺黃休上人篆隸題詩

師名自越徹秦中。秦越難尋師所從。墨跡兩般詩一首。香爐峯下似相逢。類苑

寓江州李使君

使君曾被蟬聲苦。每見詞文即為愁。況是楚江鴻到後。可堪西望發孤舟。類苑

遊南寓題

江山節被雪霜遺。毒艸過秋未擬衰。天不當時命鄒衍。亦將寒律入南吹。類苑

和同年趙先輩觀文

玉兔輪中方是樹。金黿頂上別無山。雖然迴首

見煙水事主酬恩難便閑類苑

出京別同年

一枝僊桂已攀援歸去煙濤浦口村雖恨別離
還有意槐花黃日出青門類苑

木芙蓉三首

黃鳥啼煙二月朝若教開即牡丹饒天嫌青帝
恩光盛留與秋風雪宋寥類苑

卻假青霄女剪成綠羅囊綻采霞呈誰憐不及

黃花菊只遇陶潛便得名類苑

須到露寒方有態為經霜裊稍無香移根若在

秦宮裏多少佳人泣曉妝類苑

夏州道中

隴鴈南飛河水流秦城千里忍回頭征行渾與
求名背九月中旬往夏州類苑

經慈州感謝郎中

金聲乃是古詩流況有池塘春艸儔莫有宣城
獨垂號雲山彼此謝公遊類苑

寓題

吳中煙水越中山莫把漁樵漫自寬歸泛扁舟
可容易五湖高士是拋官類苑

寄宋明府

北闕秋期南國身，重關煙月五溪雲。
風蟬已有數聲急，賴在陶家柳下聞。類苑

靈均

莫問靈均昔日遊，江籬春盡岸楓秋。
至今此事何人雪，月照楚山湘水流。類苑

馬嵬

錦江晴碧劒鋒奇，合有千年降聖時。
天意從來知幸蜀，不關胎禍自蛾眉。類苑

和陳先輩陪陸舍人春日遊曲江

劉超遊冶郗詵陪，為憶池亭舊賞來。
紅杏花傍見山色，詩成因觸鼓聲回。類苑

卷簾

綠鬟侍女手纖纖，新捧常娥出素蟾。
衛玠官高難久立，莫辭雙卷水精簾。類苑

啓帳

得人憎是繡芙蓉，愛鎖常娥出月蹤。
侍女莫嫌擡素手，撥開珠翠待相逢。類苑

去扇

城上風生蠟炬寒，錦帷開處露翔鸞。
已知秦女

升僊態休把圓輕隔牡丹類苑

閏八月

無人不變今年閏月看中秋兩度圓惟恐雨師
風伯意至時還奪上樓天類苑

奉和翁文堯戲寄

握蘭宮裏數名郎好是乘輶出帝鄉兩度還家
還未有別論光彩向冠裳類苑

花

莫道顏色如渥丹莫道馨香過菖蘭東風吹綻
還吹落明日誰為今日看類苑

奉和文堯對千葉石榴

一朵千英綻曉枝采霞堪與別為期移根若在
芙蓉苑豈向當年有醒時類苑

翁文堯以美疹暫滯令公大王益得異禮
觀今日寵待之盛輒成一章

滋賦誠文侯李盛終求一襲錦衣難如何兩度
還州里兼借鄉人更剩觀類苑

鳳歸雲二首

滕潛

金井欄邊見羽儀梧桐枝上宿寒枝五陵公子
憐文彩畫與佳人刺繡衣類苑

飲啄蓬山最上頭，和煙飛下禁城秋。曾將弄玉歸雲去，金翮斜開十二樓。類苑

灞上

紇于著

鳴鞭晚日禁城東，渭水晴煙灞岸風。都傍柳陰回首望，春天樓閣五雲中。類苑

古僊詞

珠幡絳節曉霞中，漢武清齋待少翁。不向人間戀春色，桃花自滿紫陽宮。

感春詞

未得鳴珂謁漢宮，江頭寂寞向春風。悲歌一曲

心應醉，萬葉千花淚眼中。

題濠州高塘館

閻敬愛

借問襄王安在哉，山川此地勝陽臺。今宵寓宿

高塘館，神女何曾入夢來。類苑

戲題前詩後

李和風

高唐不是這高塘，淮畔荆南各異方。若向此中

求薦枕，參差笑殺楚襄王。類苑

題楊收相公宅

尹璞

禍福從來路不遙，偶然平地上煙霄。煙霄未穩

還平地，門對孤峯占宗寥。類苑

銅雀妓

吳燭

秋色西陵滿綠蕪繁絃急管強懽娛長舒羅袖
不成舞却向風前承淚珠類苑

惆悵詩九首

顧甄遠

竟黯黯兮情脉脉簾風清兮窻月白夢驚枕上
爐盡銷不見藥珠宮裏客類苑
禁漏聲稀蟾魄冷紗厨筠簟波光淨獨坐愁吟
暗斷竟滿窻風動芭蕉影
別恨離腸空惻惻風動虛軒池水白莫言靈圃
步難尋有心終效偷桃客

愁遇人間好風景焦桐韻滿華堂靜鑑鸞釵燕
恨何窮忍向銀牀空抱影

綠槐影裏傍青樓陌上行人空舉頭煙水露花
無處問搖鞭凝睇不勝愁

役盡心神銷盡骨恩情未斷忽分離平生此恨
無言處只有衣襟淚得知

濃醪豔唱愁難破骨瘦竟消病已成若為多羅
年少死始甘人道有風情

淚滿羅衣洒滿卮一聲歌斷怨傷離如今兩地
心中事直是瞿曇也不知

橫泥杯觴醉復醒。愁牽時有小詩成。早知惹得千般恨。悔不天生解薄情。

失鷺鷥

李歸唐

惜養來來歲月淡。籠開不見意沈吟。也知祇在秋江上。明月蘆花何處尋。類苑闕

南詔途中

楊奇鯤

風裏浪花吹又白。雨中嵐影洒還青。江鷗聚處窻前見。林狖啼時枕上聽。

題南嶽神祠

劉山甫

壞牆風雨幾經春。艸色盈庭一座塵。自是神明

無感應。盛衰何得却由人。類苑闕

寄妻

李令

有人教我向衡陽。一度思歸欲斷腸。為報豔妻兼少女。與吾覓取朗州場。類苑闕

獻主文

劉虛白

三十年前此夜中。一般燈火一般風。不知歲月能多少。猶着麻衣待至公。類苑闕

詠南嶽徑松

狄煥

一陣雨聲歸嶽嶠。兩條寒色下瀟湘。客吟晚景停孤棹。僧踏清陰徹上方。類苑闕

題鄜州相思鋪

令狐挺

誰把相思號此河，塞垣車馬往來多。只應自古征人淚，灑向空川作逝波。闕類苑

詠燕上主司

歐陽澥

翩翩雙燕畫堂開，送古迎今幾萬回。長向春秋社前後，為誰歸去為誰來。闕類苑

獻盧梓州

萬彤雲

荷衣拭淚幾回穿，欲謁朱門抵上天。不是尚書輕下客，山家無物與王權。闕類苑

戲題盱眙壁

韋鵬翼

豈肯閒尋竹徑行，却嫌絲管好蛙聲。自從黃鶴燒琴後，背却青山臥月明。

上浙東孟尚書

有箇將軍不得名，惟教健卒喝書生。尚書治化清如鏡，天子宫街不許行。闕類苑

飛韻贈崔漳州

黎瓘

慣向溪邊折柳楊，因循行客到州漳。無端觸忤王衙押，不得今朝看飲鄉。闕類苑

和李秀才邊庭四時怨

盧弼

春

萬首絕句卷之三十八

春衣昨夜到榆關。故國煙花想已殘。少婦不知歸未得。朝朝應上望夫山。

夏

盧龍塞外艸初肥。鴈乳平蕪曉不飛。鄉國近來音信斷。至今猶自著寒衣。

秋

八月霜飛柳遍黃。蓬根吹斷鴈南翔。隴頭流水關山月。泣上龍堆望故鄉。

冬

朔風吹雪透刀瘢。飲馬長城窟更寒。半夜火來

知有敵。一時齊保賀蘭山。

放猿

吉師老

放爾千山萬里身。野泉晴樹好為鄰。啼時莫近瀟湘岸。明月孤舟有旅人。類苑闕

鴛鴦

江島濛濛煙靄微。綠蕪深處刷毛衣。渡頭驚起一雙去。飛上文君舊錦機。

闔閭城懷古

裴瑤

五湖春水接瑤天。國破君亡不記年。惟有妖娥曾舞處。古臺宋竄起愁煙。類苑闕

悼亡妓

韋氏子

惆悵金泥簇蝶裙。春來猶見伴行雲。不教布施
剛留得。渾似初逢李少君。類苑

對趙穎歌

朱子真

人間幾日變桑田。誰識神僊洞裏天。短促雖知
有殊異。且須歡醉在生前。類苑

譏張濬閱牡丹

張隱

位乖燮理致傷殘。四面牆垣不忍看。正是花時
堪下淚。相公何必更追歡。類苑

登慈恩寺塔

楊玠

紫雲樓下曲江平。鴉噪殘陽麥隴青。莫上慈恩
最高處。不堪看。又不堪聽。類苑

遣歌妓

垂老無端用意乖。誰知道侶厭清齋。如今又采
蘼蕪去。辜負張君繡鞞鞋。

長安舊居

四鄰侵我我從伊。畢竟須思未有時。試上含元
殿。基望秋風秋艸正離離。

華清宮

杜常補

行盡江南數十程。曉風殘月入華清。朝元閣上

西風急都入長楊作雨敲

西上辭母墳

陳去病

高蓋山頭日影微黃昏獨立宿禽稀林間滴酒
空垂淚不見丁寧囑早歸

讀孝經

方愚

星彩滿天朝北極源流是處赴東溟為臣為子
不忠孝辜負宣尼一卷經

大言詩

郊峭

線大長江扇大天屐鞋拋在海東邊世間多少
閑蟲豸盡在郊生柱杖前

山居

陳寡言

醉臥茅堂不閉關覺來開眼見前山松花落處
宿猿在麋鹿羣羣林際還

閑吟

侯臺

學道全真在此生愚人待死更求生此生不在
今生度縱有生從何處生

題二妃廟

尤啓中

目斷魂銷正惘然九疑山際路漫漫何人知得
心中恨空有湘江竹萬竿

湘妃席上

萬壽詞卷之二十一
常說僊家事不同。偶陪花月此宵中。錦屏銀燭
皆堪恨。惆悵紗窗向曉風。類苑闕

題二妃廟

崔渥

萬里同心別九重。定知涉歷此相逢。誰人翻向
羣峯路。不得蒼梧狗玉容。

湘妃席上

春鳥交交引思濃。豈期塵跡拜僊宮。鸞歌鳳舞
飄珠翠。疑是陽臺一夢中。

守庚申

程紫霄

不守庚申亦不疑。此心常與道相依。玉皇已自

知行止。任汝三彭說是非。類苑闕

寄弟洎蜀牋

韓浦

十澆蠻牋出益州。寄來新自浣溪頭。老兄得此
全無用。助爾添修五鳳樓。

添聲楊柳枝詞

裴誠

思量九老惡姻緣。只得相看不得憐。願作琵琶
槽那畔。美人長抱在胷前。類苑闕

漁父引二首

李夢符

村寺鐘聲渡遠灘。半輪殘月落前山。徐徐撥棹
却歸去。浪疊朝霞碎錦翻。類苑闕

漁弟漁兄喜到來。波官賽却坐江隈。柳榆杓子
瘤。椀酒爛煮鱸魚滿案堆。

謫宜陽到荆渚

李伉

漢江江水水連天。被謫宜陽路幾千。為問楚人
山鳥語。問予歸棹是何年。

戲張道人不飲酒

顏蕘

言自雲山訪我來。每聞竒秘覺饜陪。吾師不飲
人間酒。應待流霞卽舉杯。

金錢花

盧子發

輪郭休誇四字書。紅窠寫出對庭除。時時買得

佳人笑。本色金錢却不如。

木筆花

嫵如新竹管初齊。粉膩紅輕樣可攜。誰與詩人
俚檻看。好於牋墨併分題。

戲游夔州

白帝城頭二月時。忍交清醒看花枝。莫言世上
無袁許。客子由來是相師。

題袁州龍興寺

易僊

百尺古松松下寺。寶幡朱蓋盡珊珊。閒庭甘露
幾回落。青石綠苔猶未乾。

煎茶

成文幹

岳寺春深睡起時，虎跑泉畔思遲遲。
蜀茶倩箇雲僧碾，自拾枯松三四枝。
類苑

松

大夫名價古今聞，盤屈孤貞更出羣。
將謂嶺頭閑得了，夕陽猶挂數枝雲。

新燕

纔離海島宿江濱，應夢笙歌作近鄰。
減省雕梁並頭語，畫堂中有未歸人。

會友不至

王孫還是負佳期，玉馬追遊日漸西。
獨上_一郊原人不見，鷓鴣飛過落花溪。

惜花

忘餐為戀滿枝紅，錦障頻移護晚風。
客散酒酣歸未得，欄邊獨立月明中。

中秋月

王母妝成鏡未收，倚欄人在水精樓。
笙歌莫占清光盡，留與溪翁一釣舟。

暮春日宴溪亭

寒食尋芳遊不足，溪亭還醉綠楊煙。
誰家花落

臨流樹數片殘紅到檻前

曉

列宿回元朝北極爽神晞露滴樓臺佳人卷箔
臨階砌笑指庭花昨夜開

夕

臺榭沈沈禁漏初麝煙紅蠟透蝦鬚雕籠鸚鵡
將棲宿不許鴉鬟轉轆轤

露

銀河昨夜降醍醐灑遍坤維萬象蘓疑是鮫人
曾泣處滿池荷葉捧真珠

遊紫陽宮

古殿煙霞簇畫屏直疑踪跡到蓬瀛碧桃滿地
眠花鹿溪院松窻擣藥聲

除夜

銅龍看却送春來莫惜顛狂酒百杯吟鬢就中
專擬白那堪更被二更催

元日

戴星先捧祝堯觴鏡裏堪驚兩鬢霜好是鏡前
媮失笑屠蘇應不得先嘗

寒夜吟

萬首絕句

卷之三十八

十六

二百卅九

洞房脉脉寒宵永。燭影香消金鳳冷。鴉兒睡魘
喚不醒。滿窗撲落銀蟾影。

柳枝詞九首

輕籠小徑近誰家。玉馬追風翠影斜。愛把長條
惱公子。惹他頭上海棠花。

鵝黃剪出小花銷。綴上芳枝色轉鮮。飲散無人
收拾得。月明階下伴鞦韆。

東君愛惜與先春。艸澤無人處也新。委囑露華
并細雨。莫教遲日惹風塵。

句踐初迎西子年。琉璃爲帚掃溪煙。至今不改

當時色留與王孫繫酒船

綠楊移傍小亭栽。便擁穠煙撥不開。誰把金刀
爲刪掠。放教明月入窻來。

遠接關河高接雲。雨餘西出半天津。牡丹不用
相輕薄。自有清陰覆得人。

掩映鶯花媚有餘。風流才調比應無。朝朝奉御
臨池上。不羨青松拜大夫。

王孫宴罷曲江池。折取春光伴醉歸。怪得美人
爭鬪乞。要他穠翠染羅衣。

殘照林梢裊數枝。能招醉客上金隄。馬驕如練

言言系卷之三十一
縷如犬瑟瑟陰中步步嘶

題汶川村居

滕白

種茶巖接紅霞鳴灌稻泉生白石根
蟠腹老翁眉似雪海棠花下戲兒孫

類苑闕

燕

短羽新來別海陽珠簾高捲語雕梁
佳人未必全聽爾正把金針繡鳳凰

宜春郡城聞猿

崔江

怨抱霜枝向月啼數聲清遠郡城低
那堪日夜有雲雨便似巫山與建溪

類苑闕

上清詞五首

李九齡

八海浮生汗漫秋紫皇高宴五雲樓
霓裳曲罷天風起吹散僊香滿十洲

類苑闕

樓鎖彤霞地絕塵碧桃花發九天春
東皇近日慵遊宴閑殺瑤池五色麟

上清僊路有丹梯影響行人到即迷
不會無端箇漁父阿誰教入武陵溪

本來方朔是真僊偶別丹臺未得還
何事玉皇消息晚忍教憔悴向人間

新拜天官上玉都紫皇親授五靈符
羣僊箇箇

來相問人世風光似此無

讀三國志

有國由來在得賢莫言興廢是循環武侯星落
周瑜死平蜀降吳似等閑

山舍南溪小桃花

一樹繁英奪眼紅開時先合占東風可憐地僻
無人賞拋擲溪山亂木中

春行遇雨

夾路輕風撼柳條雨侵春態動無慘采香陌上
誰家女溼損釵頭翡翠翹

登樓寄遠

滿城春色花如雪極目煙光月似鉤總是動人
鄉思處更堪容易上高樓

望思臺

漢武年高慢帝圖任人曾不問賢愚直饒四老
依前出消得江充寵佞無

山舍偶題

門掩松蘿一逕深偶携藜杖出前林誰知盡日
看山坐萬古興亡總在心

荆溪夜泊

荆溪夜泊

點點漁燈照浪清。水煙疏碧月朧明。小灘驚起
鴛鴦處。一隻采蓮船過聲。

旅舍臥病

家隔西秦無遠信。身隨東洛度流年。病來旅館
誰相問。牢落閑庭一樹蟬。

登昭福寺樓

旅懷秋興正無涯。獨倚危樓四望賒。谷變陵遷
何處問。滿川空有舊煙霞。

代邊將

雪凍陰河半夜風。戰回狂虜血漂紅。據鞍遙指

長安路須刻麟臺第一功

夜與張舒話別

愁聽南樓角又吹。曉雞啼後更分離。如何銷得
淒涼思。更勸鐙前酒一卮。

寒梅詞

霜梅先坼嶺頭枝。萬卉千花凍不知。留得和羹
滋味在。任他風雪苦相欺。

題靈泉寺

入谷先生一陣香。異花奇木簇禪堂。可憐門外
高低路。萬轂千蹄日日忙。

宿張正字別業

茅屋蕭寥煙暗後松窗寂歷月明初此時誰念
孤吟客惟有黃公一帙書

鶴

天上瑤池覆五雲玉麟金鳳好為羣不須更飲
人間水直是清流也汗君

過相思谷

悠悠信馬春山曲芳艸和煙鋪嫩綠正被離愁
着遠人那堪更過相思谷

寫莊子

聖澤安排當散地賢侯優貸借新居閑中亦有
閑生計寫得南華一部書

山中寄友人

亂雲堆裏結茅廬已共紅塵跡漸疏莫問野人
生計事窗前流水枕前書

重門曲

周濱

憔悴容華怯對春宋寥宮殿鎖閑門此身却羨
宮中樹不失芳時雨露恩類苑闕

山下水

背雲衝石出溪山淺碧泠泠一帶寒不獨有聲

流出此會歸滄海助波瀾

逢鄰女

日高鄰女笑相逢慢束羅裙半
露鬢莫向秋池照綠水參差羞殺白芙蓉

廢宅

牢落畫堂空鎖塵荒涼庭樹暗消春
豪家莫笑此中事曾見此中人笑人

寄鑒上人

左偃

一從攜手阻戈鋌屈指如今已十年
長記二林同宿夜竹齋聽雨共忘眠

類苑闕

江上晚泊

寒雲淡淡天無際片帆落處沙鷗起
水闊風高日復斜扁舟獨宿蘆花裏

送人

一莖兩莖華髮生千枝萬枝梨花白
春色江南獨未歸今朝又送還鄉客

鐘陵鐵柱

盧士衡

千年葬沒竟何為變化宜將萬物齊
安得風胡借方便鑄成神劍斬鯨鯢

類苑闕

僧房聽雨

古寺松軒雨聲別寒窻聽久詩魔發記得年前
在赤城石樓夢覺三更雪

題牡丹

萬葉紅綃剪盡春丹青任寫不如真風光九十
無多日難惜樽前圻贈人

長安春暮

潘咸

客在關西春暮夜還同江外已清明三更獨立
看花月惟欠子規啼一聲類苑

舟行

平沙極浦無人度猶繫孤舟寒艸一西半夜起看

潮上月萬山中有一猿啼

送僧

闕下僧歸山頂寺却看朝日下方明莫道野人
尋不見半天雲裏有鐘聲

槐花

翁承贊

雨中裝點望中香句引蟬聲送夕陽憶昔當年
隨計吏馬蹄終日為君忙

馬嵬

後東

二百年來事遠聞從龍惟解盡如雲張均兄弟
今何在却是楊妃死報君類苑

初夏戲題

長養薰風拂曉吹
漸開荷芰落薔薇
青蟲也學莊周夢
化作南園蛺蝶飛

路傍艸

楚甸秦原萬里平
誰教根向路傍生
輕蹄繡轂長相蹋
合是榮時不得榮

蝴蝶三首

不並難飛繭裏蛾
有花芳處即經過
天風相送輕飄去
却笑蜘蛛漫織羅

苒苒雙雙拂畫欄
佳人欲繡再三看
莫欺翼短

飛長近試就花間捉也難

栩栩無因繫得他
野園荒徑一何多
不聞絲竹誰教舞
應伏流鶯為唱歌

李夫人二首

不望金輿到錦帷
人間樂極即須悲
若言要識愁中貌
也似君恩日日衰

招得香魂爵少翁
九華鐙燭曉還空
漢皇不及吳王樂
且與西施死處同

答黃校書

慈恩鴈塔參差榜
杏苑鶯花次第遊
白日有愁

猶可散青山高臥況無愁

無題

買骨須求騏驎骨愛毛宜采鳳凰毛
驚駘燕雀堪何用仍向人前價數高

吳黃金車

孫元晏

分擘山河卽漸開許昌基業已傾積
黃金車與斑斕耳早箇須知入識來

類苑闕

赤壁

會獵書來舉國驚祗應用魯不教迎
曹公一戰奔波後赤壁功傳萬古名

魯肅指困

破產移家事亦難佐吳從此霸江山
爭教不立功勳得指出千困如等閑

甘寧斫營

夜淡偷入魏軍營滿寨驚忙火似星
百口寶刀千匹絹也應消得與甘寧

徐盛

欲把江山鼎足分那真銜冊到江
南當時將相誰堪重徐盛將軍最不甘

魯肅

詩首絕句卷之三十八

二十五

二百十三

高下終何一
卷之三十一
所案興言斷衆疑鼎分從此定雄雌若無子敬
心相似爭得身林破魏師

武昌

西塞山高截九垓識謠終日自相催武昌魚美
應難戀曆數須歸建業來

顧雍

贊國經綸更有誰蔡公相歎亦相師貴爲丞相
封侯了歸後家人總不知

呂蒙

幼小家貧實可哀願征行去志難回不探虎穴

求身達爭得人間富貴來

介象

好道君王遇亦難變通靈異幾多般介先生有
神僊術釣得鱸魚在玉盤

濡須鳴

風揭洪濤響若雷枕波爲壘險相隈莫言有箇
濡須鳴幾度曹公失志回

周泰

名與諸公又不同金瘡痕在滿身中不將御蓋
宣恩澤誰信將軍別有功

萬首絕句

卷之三十一

二十六

二五〇四

張紘

東部張公與衆殊。共施經略贊全吳。陳琳漫自稱雄伯。神氣應須怯大巫。

太史慈

聖德招賢遠近知。曹公心計却成欺。陳韓昔日嘗投楚。豈是當歸召得伊。

孫堅后

委付張公翊聖材。幾將賢德贊文臺。爭教不霸江山得。日月徵曾入夢來。

陸統

將軍身歿有兒孤。虎子爲名教讀書。更向宦中教騎馬。感君恩重合何如。

青蓋

曆數將終勢已摧。不修君德更堪哀。被他青蓋言相誤。元是須教入晉來。

晉七寶鞭

天命須知豈偶然。亂臣徒欲用兵權。聖謨廟略還應別。渾不消它七寶鞭。

庾悅鵝炙

春暖江南景氣新。子鵝炙美就中珍。庾家廚盛

劉公困渾弗相貽也惱人

謝玄

百萬兵來逼合肥謝玄為將統雄師旌旗首尾
千餘里渾不消它一局碁

謝混

尚主當初偶未成此時誰合更關情可憐謝混
風華在千古翻傳禁巒名

陸玩

陸公高論亦由衷謙讓還慙未有功天下忠良
人欲盡始應交我作三公

王坦之

晉祚安危只此行坦之何必苦憂驚謝公合定
寰區在爭遣當時事得成

蒲葵扇

拋捨東山歲月遙幾施經略挫雄豪若非名德
喧寰宇爭得蒲葵價數高

王郎

太尉門庭亦甚高王郎名重禮相饒自家妻父
猶如此誰更逢君得圻畧

劉毅

萬首系合卷之三十一

透牀堪壯喝盧聲似鐵容儀衆盡驚二十七人
同舉義幾人全得舊功名

王恭

春風濯濯柳容儀鶴髦神心舉世推可惜教君
仗旄鉞枉將心地託牢之

謝公賭墅

發遣將軍欲去時略無情撓只今負恭自從乞與
羊曇後賭墅功成更有誰

符堅投筮

投筮填江語未終謝安乘此立殊功三台星爛

乾坤正且與張華死不同

衛玠

叔寶羊車海內稀山家女婿好風姿江東士女
無端甚看殺玉人渾不知

郭璞脫襦

吟坐因思郭景純每言窮達似通神到頭分命
難移改解脫青襦與別人

庾樓

江州樓上月明中從事同登眺遠空玉樹忽墮
千載後有誰重此繼清風

新亭

容易乘虛逼帝畿滿江艤艣與旌旂盧循若解
新亭上勝負還應未可知

宋大峴

大峴纔過喜可知指空言已副心期公孫計策
嗟無用天與南朝作霸基

放宮人

納諫廷臣免犯顏自然恩可霸江山姚興侍女
方承寵放出宮闈若等閑

借南苑

人主詞應不偶然幾人曾說笑掀天不知南苑
今何在借與張公三百年

謝澹雲霞友

仗氣凌人豈可親只將范泰是知聞綠何喚作
雲霞友却恐雲霞未似君

烏衣巷

古迹荒基好歎嗟滿川吟景只煙霞烏衣巷在
何人住回首令人憶謝家

袁粲

負才尚氣滿朝知高臥閑吟見客稀獨步何人

識袁尹白楊郊外醉方歸

劉伯龍

位重何如不厭貧伯龍孤子只修身固知生計
還須有窮鬼臨時也笑人

王方平

拂衣耕釣已多時江上山前樂可知着却貂裘
將采藥任它人喚作漁師

黃羅襪

戚屬羣臣盡見猜預憂身後又堪哀到頭委付
何曾是虛把羅襪與彥回

謝朓

謝家諸子盡蘭香各震芳名滿帝鄉惟有千金
更堪重只將高臥向齊王

羊玄保

運命將來各有期好官才闕即思之就中堪慶
羊玄保偏受君王分外知

齊謝朓

解璽傳呼詔侍中却來高臥豈疏慵此時忠節
還希有堪羨君王特地容

小兒執燭

絕句

卷之三十一

三十一

三十一

謝公情量已難量忠宋心誠豈暫忘執燭小兒
渾放去略無言語與君王

王僧祐

肯與公卿作等倫澹然名德只推君任它車騎
來相訪簫鼓盈庭似不聞

王僧虔

位高名重不堪疑懇讓儀同帝亦知不學常流
爭進取却憂門有二台司

明帝裏蒸

至尊尊貴異人間御膳天廚豈等閑惜得

無用處不如安霸取江山

鬱林王

強哀強慘亦從伊歸到私庭喜可知喜字漫書
三十六到頭能得幾多時

何氏小山

顯達何曾肯繫心築居郊外好園林賺它謝朓
出山去贏得高名直至今

王倫之

豫章太守重詞林圖畫陳蕃與華歆更莫子將
芳孺子為君千載作知音

潘妃

曾步金蓮寵絕倫。豈甘今日委埃塵。玉兒還有懷恩處。不肯將身嫁小臣。

王亮

後見梁王未免哀。柰何無計拯傾殞。若教彼相顛扶得。爭遣明公到此來。

梁分宮女

滌蕩齊宮法令新。分張宮女二千人。可憐無限如花貌。重見世間桃李春。

馬仙琕

齊朝太守不甘降。忠節當時動四方。義士要教天下見。且留君住待袁昂。

勅敵

傳聞天子重儒才。特為皇華綺宴開。今日方驚遇勅敵。此人元自北朝來。

蔡搏

紫茄白菟以為珍。守任清真轉更貧。不飲吳興郡中水。古今能有幾多人。

楚祠

曾與蕭侯醉玉杯。此時神影盡傾積。莫云千古

萬首紀句 卷之三十一
無靈聖也向西川助敵來

謝朓小輿

小輿升殿掌鈞台不免無慘却憶回應恨被它
何胤誤悔先容易出山來

八關齋

依憑金地甚虔誠忍溺空王為聖明內殿設齋
申禱祝豈無功德及臺城

庾信

苦心詞賦向誰談淪落周朝志豈甘可惜多才
庾開府一生惆悵憶江南

陳王僧辨

彼此英雄各有名石頭高臥擬爭衡當時堪笑
王僧辨待欲將心託聖明

武帝蚌盤

金翠絲簧略不舒蚌盤清宴意何如豈知三閣
繁華日解為君王妙破除

虞居士

苦諫將軍終不知幾隨煙焰作塵飛東山居士
何人識惟有君王却許歸

姚察

萬首紀句

卷之三十一

三十四

三百廿

曾佐徐陵向北遊。剖陳疑事動名流。却歸掌選清何甚。一匹花練不肯收。

宣帝傷將卒

前後兵師戰勝回。百餘城壘盡歸來。當時將卒應知感。況得君王為舉哀。

臨春閣

臨春高閣上。侵雲風起香。飄數里。聞自是君王。正沈醉。豈知消息報隋軍。

綺閣

結綺高宜眺海涯。上凌丹漢拂雲霞。一千朱翠

同居此。爭奈思多屬麗華。

望僊閣

多少沈檀結築成。望僊為號倚青冥。不知孔氏何形狀。醉得君王不解醒。

三閣

三閣相通綺宴開。數千朱翠遶周回。只知斷送君王醉。不道韓擒已到來。

狎客

八宮妃盡賦篇章。風揭歌聲錦繡香。選得十人為狎客。有誰能解諫君王。

淮水

文物衣冠盡入秦六朝繁盛忽埃塵自從淮水
乾枯後不見王家更有人

江令宅

不向南朝立諫名舊居基在事分明令人惆悵
江中令只作篇章過一生

後庭舞

嫵婉回風態若飛麗華翹袖玉為姿後庭一曲
從教舞舞破江山君未知

善卷先生壇

蔡崑

幾到壇邊登閣望因思遺跡詭今朝當時為
重華出不是先生傲帝堯類苑

題嚴君觀

王岳

寒雲古木罩星臺凡骨僊蹤信可哀二十年前
曾此到一千年內未歸來類苑

山中有所思

零零夜雨漬愁根觸物傷離好斷魂莫怪杜鵑
飛去盡紫微花裏有啼猿

燕

一巢功績破春光絮落花殘兩翅狂月樹風枝

不棲去強來言語泥雕梁

貧女

難把菱花照素顏
試臨春水插花看
木蘭船上遊春女
笑指荆釵下遠灘

杪春寄友人

何處相逢萬事忙
卓家樓上百淘香
明朝漸近山僧寺
更爲殘花醉一場

回舊山

庾家樓上謝家池
處處風煙少舊知
明日落花誰共醉
野溪猿鳥恨歸遲

故白巖禪師院

王夢周

能師還世名還在
空閉禪堂滿院苔
花樹不隨人寂寞
數枝猶自出牆來

類苑闕

題商山修僧院

蔣吉

此地修行山幾枯
艸堂生計只瓶盂
支郎既解除艱險
試看人心平得無

類苑闕

次青雲驛

馬轉櫟林山鳥飛
商溪流背殘暉
行人幾在青雲路
底事風塵猶滿衣

題長安僧院

出門爭走九衢塵。總是浮生不了身。惟有水田
衣下客。大家忙處作閑人。

大庾驛有懷

一囊書重百餘斤。郵吏寧知去計貧。莫訝偏吟
望鄉句。明朝便見嶺南人。

樵翁

獨入深山信脚行。慣當羆虎不曾驚。路傍花發
無心看。惟見枯枝刮眼明。

聞歌竹枝

巡隄聽唱竹枝詞。正是月高風靜時。獨向東南

人不會。弟兄俱在楚江湄。

昭君冢

曾爲漢帝眼中人。今作狂胡陌上塵。身死不知
多少載。冢花猶帶洛陽春。

四老廟

無端捨釣學干名。不得溪山養性情。自竄此身
非達者。今朝羞拜四先生。

旅泊

霜月正高鸚鵡洲。美人清唱發紅樓。鄉心暗逐
秋江水。直到吳山脚下流。

出塞

瘦馬羸童行背秦暮鴉撩亂入殘雲北風吹起
寒營角直至榆關人盡聞

次商於感舊寄盧中丞

昔年簪組隘丘門今日旌幢一院存何事商於
淚如雨小儒偏受陸家恩

水殿拋毬曲二首

李謹言

侍宴黃昏曉未休玉階夜色月如流朝來自覺
承恩最笑倩傍人認繡毬類苑
堪恨隋家幾帝王舞榭揉盡繡鴛鴦如今重到

拋毬處不是金爐舊日香

登遊齊山

許堅

星使南馳入楚重此山偏得駐行蹤落花滿地
月華冷宋寔舊山三四峰類苑

尋易尊師不遇

陳嶰

爛熳紅霞光照衣苔封白石路微微華陽洞裏
人何在落盡松花不見歸類苑

祖龍詞

熊皦

平吞六國更何求童女童男問十洲滄海不
應悵望始知徐福解風流類苑

謫居海上

家臨涇水隔秦川來往關河路八千堪恨此身
何處老始皇橋畔又經年

代書問費徵君九華事

蕭建

見說九華峰上寺日宮猶在下方開其中幽境
客難到請為詩中圖畫來類苑

贈同年子何澤

崔公

四十九年前及第同年惟有老夫存今日殷勤
訪吾子穩將鬢鬣上龍門類苑

獻廬江牧

曹生

拜玉亭間送客忙此時孤恨感離鄉尋思佳歲
絕纓事肯向朱門泣夜長類苑

別李源二首

天竺牧童

三生石上舊精魂賞月吟風不要論慚愧情人
遠相訪此身雖異性長存類苑

身前身後事茫茫欲話因緣恐斷腸吳越溪山
尋已遍却回煙棹上瞿塘

題牡丹

捧劍

一種芳菲出後庭却輸桃李得佳名誰能為向
天人說從此移根近太清類苑

題法雲寺雙檜

方壺居士

謝郎雙檜綠於雲昏曉濃陰色未分若竝毫宮
僊鹿跡定知高峭不如君類苑

隋隄詞

嘗憶江都大業秋曾隨鑾蹕戲龍舟傷心一覺
興亡夢隄柳無情識世愁

題紫微觀

建業卜者

昨日朝天過紫微醮壇風冷杏花稀碧桃泥我
傳消息何事人間更不歸類苑

題故翠微宮

驪山遊者

翠微寺本翠微宮橫閣亭臺幾十重天子不
僧又去樵夫時倒一株松類苑

代妻答

幽州士子

蓬鬢荆釵世所稀布裙猶是嫁時衣胡麻好種
無人種合是歸時底不歸類苑

題鄧僊客墓

天嶠遊人

鶴老芝田雞在籠上清那與俗塵同既言白日
昇僊去何事人間有殯宮

舟行作

衡山舟子

野鵲灘西一棹孤月光遙接洞庭湖堪嗟迴雁

峯前過望斷家山一字無類苑

贈酒糾

洛中舉子

少插花枝少下籌須防女伴妒風流坐中若打
占相令除却尚書莫點頭類苑

粉牋題詩

無名人

三月江南花滿枝風輕簾幙燕爭飛游人休惜
夜秉燭楊柳陰濃春欲歸類苑

雜詩

無名氏

青天無雲月如燭露泣梨花白如玉子規一夜
啼到明美人獨在空房宿類苑

空賜羅衣不賜恩一爇香後一消魂雖然無

何時舞長對春風挹淚痕

不洗殘妝竝繡牀却嫌鸚鵡繡鴛鴦回針刺到

雙飛處憶着征人淚數行

眼想心思夢裏驚無人知我此時情不如池上

鴛鴦鳥雙宿雙飛過一生

一去遼陽繫夢魂忽傳征騎到中門紗窗不肯

施紅粉圍道蕭郎問淚痕

鶯啼露冷酒初醒卷畫樓西曉角鳴翠羽帳中

人夢覺寶釵斜墜枕函聲

滿目笙歌一段空萬般離恨總隨風多情爲謝
殘陽意與展晴霞片片紅

兩心不語暗知情燈下裁縫月下行行到階前
知未睡夜淡聞放剪刀聲

近寒食雨艸萋萋着麥苗風柳映隄一自有家
歸未得杜鵑休向耳邊啼

洛陽才子鄰簫恨湘水佳人錦瑟愁今昔兩成
惆悵事臨邛春盡暮江流

浙江輕浪古悠悠望海樓吹望海愁莫怪鄉心
隨魄斷十年爲客在他州

數日相隨兩不忘郎心如妾妾如郎出門便是
東西路把取紅箋各斷腸

無定河邊暮笛聲赫連臺畔旅人情函關歸路
千餘里一夕秋風白髮生

舊山雖在不關身且向長安過暮春一樹梨花
一溪月不知今夜屬何人

花落長川艸色青暮山重疊雨冥冥逢春便覺
飄蓬苦今日分離一涕零

題峽苦

峽谷尋川

一與月不味

舊山巖寺不關

千嶺里一又炸風白

無天何處暮苗登赫事喜

東西嶺外双珠變谷趨

幾有醉到雨不亦酒心咬妾

宋洪魏公進萬首唐人絕句卷之三十九

明吳郡趙宦允凡夫棊定

靈巖黃習遠伯傳竄補

七言二十九

釋子羽客全唐

題竹木上

寒山補

一住寒山萬事休更無雜念挂心頭閑於石壁

題詩句任運還同不繫舟

千生萬死何時已生死來去轉迷情不識心中

無價寶恰似盲驢信脚行

心神用盡為名利百種貪婪進已軀

萬首絕句

卷之三十九

四

喜首續句 卷之三十九
如燈燼冢內蘊身是有無
久住寒山凡幾秋獨吟歌曲絕無憂飢餐一粒
伽陀藥心地調和倚石頭
衆星羅列夜深明巖點孤燈月未沈圓滿允華
不磨瑩挂在青天是我心
我向前溪照碧流或向巖邊坐磐石心似孤雲
無所依悠悠世事何須覓
千季石上古人蹤萬丈巖前一點空明月照時
常皎潔不勞尋討問西東

題林間葉上

拾得補

自從到此天台寺經今早已幾冬春山穴石
人自老見却多少後生人
無去無來本湛然不拘內外及中間一顆水精
絕瑕翳光明透滿出人天

畫松

景雲

畫松一似真松樹且待尋思記得無曾在天台
山上見石橋南畔第三株補

寒食至郊外

雲表

寒食悲看郭外春野田無處不傷神平原壘壘
添新塚半是去年來哭人類宛闕

荅胡處士

皎然

西山禪隱比來聞厚道唯應我與君世上無名
可忘却人間聚散似浮雲

荅張易程

莫道謫官無主人秣陵才今日相親前溪更有
忘憂處荷葉田田聞白瀨

寄常一上人

寒鴈五山臨汗漫雲州一路出青冥何因請住
嘉祥寺內史新修湖上亭類苑闕

酬秦系山人見寄

左右香童不識君僂簷訪我領鷗羣山僧待客
無他物惟有窻前片碧雲補

宿法華寺簡徹上人

至道無機但杳冥孤鐙寒竹自青熒不知何處
小乘客一夜風前聞誦經補

酬張明府

愛君詩思動禪心使我休吟待鶴吟更說郡中
黃霸在朝朝無事許招尋

酬祁判官

歲歲湖南隱已成如何星使忽知名沙鷗慣逐

無心客今日逢君不解驚

舟行懷閻士和

二月湖南春艸徧橫山渡口花如霰相思一日

在孤舟空見歸雲兩三片類苑闕

寄雲門寺梵僧無側側是寶後身

越山千萬雲門絕高僧貌古還名月清朝掃石

行道歸林下瞑禪看松雪類苑闕

戲呈吳憑

世人不知心是道只言道在他方妙還如瞽者

望長安長安在西向東笑

李中丞水亭夜集

佳人且莫吹參差正憐月色生酒卮山翁取醉

豈關我自愛尊前白鷺鷥

夜過康錄事宅會兄弟

愛君門館夜來清瓊樹雙枝是弟兄月在詩家

偏足思風過客位更多情

酬秦系戲贈二首

正論禪寂忽狂歌莫是塵心顛倒多白足行花

曾不染黃囊貯酒欲如何

雲林出定鳥未歸松吹時飄雨沐衣石語花悲

徒自詫吾心見境盡為非

題秦系麗句亭

獨將詩教領諸生但愛青山不愛名滿院竹聲
堪愈疾亂林花片足忘情類苑闕

題湖上艸堂

山居不買剡中山湖上千峯處處閑芳艸白雲
留我住世人何事得相關類苑闕

送顧道士遊洞庭山

見說洞庭無上路春遊亂踏五靈芝含桃風起
花狼籍正是僊翁棊散時類苑闕

青陽上人院說金陵故事

君說南朝全盛日秣陵才子最多人十年秋色
古池館誰見齊王西邸春

法華寺江上人禪居

路入松聲遠更奇山光水色共參差中峯禪寂
一僧在坐對梁朝老桂枝類苑

題枝

為愛松聲聽不足每逢松樹便忘還條然此外
更何事笑向閑雲似我閑

送侯秀才南遊

...

芳艸隨君自有情，不關山色與猿聲。為看巖子灘頭石，曾憶題詩不著名。

送章向之睦州謁使君

才子南看多遠情，閑舟蕩漾任春行。新安江色長如此，何似新安太守清。

九月八日送蕭少府歸洪州

明日重陽今日歸，布帆絲雨暮霏霏。行過鶴渚知堪住，家在龍沙意有違。

送曾侍御

維舟若許暫從容，送過重江不厭重。霜簡別來

今始見，雪山歸去又難逢。

聽胡笳送人

一奏胡笳客未停，野僧還欲廢禪聽。難將此意臨江別，無限春風葭菼青。

江上送梁拾遺

江上荻花飛雪花，風吹撩亂滿袈裟。如今歲晏無芳艸，獨對離樽作物華。

送僧遊宣城

楚山千里一僧行，念爾初緣道未成。莫向舒姑泉口泊，此時嗚咽易傷情。

送履霜上人還金陵

攜錫西山步綠莎。禪心未了柰情何。湘宮水寺
清秋夜月落風悲。松柏多

送聰上人還廣陵

莫學休公學遠公。了心還與我心同。隋家古柳
數株在。看取人間萬事空。

送洞庭惟諒上人

白雲關我不關他。此物留君情最多。憶着春風
生橘樹。歸心不怕洞庭波。

送太祝姪之虔吉訪兄

阮咸別曲四座愁。賴是春風不是秋。漫漫江
訪兄弟猿聲幾夜宿蘆洲。

冬夜送人

平明走馬上村橋。花落梅溪雪未消。日短天寒
愁送客。楚山無限路迢迢。類苑闕

送巖上人

初到人間柳始陰。山書昨夜報春深。朝朝花落
幾株樹。惱殺禪翁未證心。

送僧之揚州

平明環錫向風輕。正及隋隄柳色行。知爾禪心

還似我故宮春艸肯傷情

送李繹

斜日悠揚在柳絲孤亭寂寂水逶迤誰堪別後
行人盡惟有春風起路岐

送僧之京師

綿綿眇眇楚雲繁萬里西歸望國門禪子初心
易悽斷秋風莫上少陵原類苑闕

送許丞還洛陽

別若情來亦好斟空門一別肯沾襟悲風不動
飛瑤軫忘却洛陽歸客心

送別

聞說情人怨別情霜天浙瀝在寒城長宵漫漫
角聲發禪子無心恨亦生

送裴參軍還下邳舊居

北望煙霄驃騎營虜烽無火楚天清此時千里
思歸客泗上春風得返耕

送僧歸富陽

悠悠渺渺涉寒波故寺思歸意若何長憶孤舟
三二月春山偏賞富陽多

送僧歸洞庭

...

從來湖上勝人間遠夢浮雲獨自還孤月空天
見心地寥寥三境水中山

送商季臯

比來知爾有詩名莫恨東歸學未成新豐有酒
為我飲消取故園傷別情

送邢台州濟

海上名山屬使君石橋琪樹古來聞他時畫出
白團扇乞取天台一片雲類苑闕

送柳蔡省叔

東城南陌強經過怨別無心亦放歌明日阮公

應問我閑雲長在石門多

赤松澗

綠岸朦朧出見天晴沙歷歷水濺濺何處羽人
長洗藥殘花無數逐流泉

晚秋破山寺

秋風落葉滿空山古寺殘燈石壁間昔日經行
人去盡寒雲夜夜自飛還類苑闕

釋裴脩春愁

蝶舞鶯歌喜歲芳柳絲裊裊蕙蘭香江南春色
共君看何事君心獨自傷

長安少年行

翠樓春酒蝦蟆陵長安少年皆共矜紛紛半醉
綠槐道躑躅花驄驕不勝

類苑闕

春夜集陸處士居

欲賞芳菲不待晨無情人訪有情人
西林豈是無清景祇為忘情不記春

王昭君

自倚嬋娟望主恩誰知美惡忽相翻黃金不買
漢宮貌青冢空蕪秦地冤

銅雀妓

強開尊酒向陵看憶得君王舊日歡不覺餘
悲自斷非關豔曲轉聲難

類苑闕

長門怨

春風日日閉長門搖蕩春心似夢冤若遣花開
只笑妾不知桃李自無言

投知己

若為今憶洞庭春上有閑雲可隱身無限白雲
山要買不知山價出何人

塞下曲二首

寒塞無因見落梅胡人吹入笛聲來勞勞亭上

春應度夜夜城南戰未回 類苑闕

都護今年破武威胡沙萬里鳥空飛旌竿瀚海

掃雲出羶騎天山踏雪歸 類苑闕

送小師勝雲

昨日雪山知爾名吾今坐石已三生少年道性

易流動莫遣秋風入別情

送僧遊福州

禪子自矜禪性成將心擬點建溪清南看閩樹

花不落更取何情了妄情

雨後欲尋天目山

靈一

昨夜雲生天井東春山一雨幾回風林花併逐

溪流下欲上龍池通不通

與亢居士青山潭飲茶

野泉煙火白雲間坐飲香茶愛此山巖下維舟

不忍去青谿流水暮潺潺 補

題五僧院

虎谿閑月引相過帶雪松枝挂薜蘿無限青山

行欲盡白雲溪處老僧多 補

宿靜林寺

山寺門前多古松谿行欲到已聞鐘中宵引領

尋高頂月照雲峯凡幾重補

歸岑山過惟審上人別業

禪客無心憶薜蘿自然行徑向山多知君欲問
人間事始與浮雲共一過補

贈靈徹禪師

禪師來往翠微間萬里千峯到剡山何時共到
天台裏身與浮雲處處閑補

送友人之上都

法震

玉帛招賢楚客稀猿啼相送武陵歸潮頭望入
桃花去一片春帆帶雨飛

送蜀僧

清塞

萬里獨行無弟子惟齋筇竹與檀龕看經更向
吳中老應是山川似劍南

送僧歸南嶽二首

艸屨初登南客船銅瓶猶貯北山泉衡陽舊寺
秋歸後門鎖寒潭幾樹蟬

衡陽一別十三春行脚同來有幾人老大却思
歸故里當時未涉祖師身

過僧竹院

一生愛竹自未有每到此房歸不能高人留宿

真首集卷之二十九
話禪後寂寞雨堂空曉燈

宿劉員外林亭

獨樹倚亭新月入城牆四面鎖山多去年今夜
還留宿坐見西風裏燕窠

憶潯陽舊居兼感長孫郎中

潯陽却到知何日此地今無舊使君長憶窮冬
宿廬嶽瀑泉冰壅共僧聞

潯陽與孫郎中醺迴

別酒已酣春漏前他人扶上北歸船潯陽渡口
月未上漁火照江仍獨眠補

寄潘緯

楊柳垂絲與地連歸來一醉向溪邊相逢頭白
莫惆悵世上無人長少年補

東林寺寄包侍御

靈澈

古殿清陰山木春池邊跂石一觀身誰能來此
焚香坐共作鑪峯二十人

宿東林寺

天寒猛虎嘯巖穴林下無人空有月千季象教
今不聞焚香獨爲鬼神說補

答徐廣州四問

童子出家無第行隨師乞食遣稱名長沙豈敢論年紀絳老惟知甲子生

荅韋丹

年老心閑無外事麻衣艸座亦容身相逢盡道休官去林下何曾見一人類苑闕

簡寂觀

古松古栢巖壁間猿攀鶴巢古枝折五月有霜六月寒時見山翁來取雪補

聞李處州亡

時時聞說故人死日日自悲垂老身白髮不生

應不得青山長在屬何人補

元日觀郭將軍早朝

欲曙九衢人更多千條香燭照銀河今朝始見金吾貴連馬縱橫避玉珂補

精舍遇雨

清江即可

空門寂寂淡吾身溪雨微微洗客塵臥向白雲情未盡任他黃鳥醉芳春

小雪

落雪臨風不厭看更多還恐蔽林巒愁人正在書窗下一片飛來一片寒

送婆羅門僧

雲嶺金河獨向東，吳山楚澤意無窮。如今白首鄉心盡，萬里歸程在夢中。補

伍相廟

常雅

蒼蒼古廟映林巒，霏霏煙霞覆石壇。精魄不知何處在，威風猶入浙江寒。

蟬二首

子蘭

獨蟬初唱古槐枝，委曲悲涼斷續遲。雨後忽聞誰最苦，異鄉孤館憶家時。

衰柳蟬吟旁濁河，正當殘日角聲和。尋常不是少愁思，此際聞時愁更多。

太平坊尋裴郎中故宅

不語淒涼無限情，荒堦行盡又重行。昔年此住人何在，滿地槐花秋艸生。類苑闕

登樓

邊邑鴻聲一例秋，大波平日遶山流。故人千里同明月，盡夕無言空倚樓。

長安早秋

風舞槐花落御溝，終南山色入城秋。門前走馬徵兵急，公子笙歌醉玉樓。

對雪

密密無聲墜碧空
霏霏有韻舞微風
幽人吟望
搜詞處飄入窻來落硯中

鸚鵡

翠毛丹紫乍教時
終日無憀似憶歸
近來偷解
人言語亂向金籠說是非

晚景

池荷衰颯菊芬芳
策杖吟詩上艸堂
滿目暮雲
風卷盡郡樓寒角數聲長

長安傷春

霜隕中春花半無
狂遊恣飲盡兇徒
年年賞翫
公卿輩今委溝塍骨漸枯

河梁晚望二首

水勢滔滔不可量
漁舟容易泛滄浪
連山翠靄
籠沙激白鳥翩翩下夕陽
雨添一夜秋濤濶
極目茫茫似接天
不知龍物
潛何處魚躍鼉鳴滿檻前

悲長安

何事天時禍未回
生靈愁悴若寒灰
豈知萬頃
繁華地強半今爲瓦礫堆

千葉石榴花

二朵花開千葉紅，開時又不藉春風。若教移在香閨畔，定與佳人豔態同。

端午

文秀

節分端午自誰言，萬古傳聞為屈原。堪笑楚江空渺渺，不能西得直臣冤。類苑闕

秋夜吟

尚顏

梧桐雨畔夜愁吟，斗藪衣從蘚色侵。枉道一生無繫着，湘南山水別人尋。

行次漢上

無本

習家池沼艸萋萋，嵐樹光中信馬蹄。漢主廟前湘水碧，一聲風角夕陽低。

馬嵬

長川幾處樹青青，孤驛危樓對翠屏。一自武皇惆悵後，至今來往馬蹄腥。

暮春送人

無悶

折柳亭邊手重攜，江煙澹澹艸萋萋。杜鵑不解離人意，更向落花枝上啼。補

寒林石屏

艸堂無物伴身閑，惟有屏風枕簟間。本向他山

求得石却於石上看他山補

夜夜曲

貫休

蟬貼切切風騷騷芙蓉噴香蟾蜍高孤燈耿耿
征婦勞更淡撲落金錯刀類苑闕

少年行

錦衣鮮華手擎鵲閑行氣貌多輕忽稼穡艱難
總不知五帝三王是何物

春晚書山家主人屋壁

柴門寂寂黍飯馨山家煙火春雨晴庭花濛濛
水泠泠小兒啼索樹上鶯類苑闕

浣山逢老僧

衲衣線麤心似月自把鋤鋤崗楸青石溪邊
踏葉行數片雲隨兩眉雪類苑闕

邊上作二首

山無綠兮水無萋風既毒兮沙亦腥胡兒走馬
疾飛鳥聯翩射落雲中聲類苑闕

陣雲忽向沙中起探得胡兵過遼水堪嗟護塞
征戍兒未戰已疑身是鬼類苑闕

將入廬山別僧二首

噴嵐堆黛塞寒碧窻前古雪如白雁臨岐約我

來不來若來須撥紅霞覓

紅豆樹間滴紅雨戀師不得依師佳世情世界

愁殺人錦繡谷中歸舍去

宿溪村

行行一宿溪村裏雞犬豐年鬧如市黃昏見客

合家喜月下取魚戽塘水類苑闕

別僊客

巨鼈頭縮翻僊翠蟠桃爛落珊瑚地浪濺霓旌

濕鵬翅略別千年太容易

樵叟

樵父貌饑帶風雨自言一生苦寒暑儋頭儋

赤瓷鬘斜陽獨入濛隴塢

馬上作

柳岸花堤夕照紅風清襟袖響瓏瓏行人莫訝

頻回首家在凝嵐一點中

終南僧

聲利掀天竟不閑艸衣木食度朝昏遙思山雪

淡一丈時有僊人來打門

乞食老僧

亦纓帽笠眉豪垂拄柳栗杖行遲遲時人只施

孟中飯心似白蓮那得知

秋歸東陽臨岐上三衢杜使君六首

小謝清高大謝才聖君令泰此方來一從到後
長無事鈴閣公庭滿綠苔

紅錦帳中歌白雪烏皮几畔撫青英不知何物
爲心地賽却澄江徹底清

誰報田中有黑蟲一家齋戒減僊容分憂若也
皆如此天下家家有剩春

憂民心切出衝炎禾稼如雲喜氣兼林下閑人
亦何幸也隨旌旆到銀巖

枯骨縱橫遍水湄盡收爲冢碧參差分明爲報

精靈輩好送旌旗到鳳池

捨魯依劉一片雲好風吹去遠纖塵猶期明月

清風夜來作西園第八人

再遊東林寺三首

臺殿參差聳瑞煙桂花飄雪水潺潺莫疑遠去

無消息七萬餘年始半年

類苑闕

宣玄舊輦殘雲濕邪舍孤墳落照遲有箇山僧

倚松睡恐人來取白猿兒

類苑闕

玉像珠龕香陣橫錦霞多傍石牆生辟蛇行者

萬首詩集 卷之三十六
今何在花裏惟聞鳩鳥聲類苑闕

題蘭江言上人院二首

一生只著一麻衣道業還期習產威手把新詩
說山夢石橋天柱雪霏霏類苑闕

只是危吟坐翠層門前岐路自崩騰青雲名士
時相訪茶煮西峯瀑布冰類苑闕

書石壁禪居

赤旃檀塔六七級白菡萏花三四枝禪客相逢
勸歸去此心能有幾人知類苑闕

送人遊茅山

茅真舊宅基猶在藥竈苔深土尚殷君見道人
憑與問大還還字若爲還

聽僧彈琴

家近吳王古戰城海風終日打檣聲今朝鄉思
渾堆積琴上聞師大蟹行

風琴

至竟心爲造化功一枝青竹四絃風寥寥雙耳
更深後如在縹山明月中類苑闕

庭橘

躡踏金苞四五株洞庭山上味何殊不緣松樹

稱君子肯使甘人喚木奴

落花

蝶醉蜂癡一簇香繡葩紅帶墮殘芳因嗟好德人難得公子王孫盡斷腸

苦吟

河薄星疎雪月孤松枝清氣入肌膚因知好句勝金玉心極神勞特地無

偶然作

蟬聲引出石中蛩寂寞門扃葉數重誰道思山心不切等閑畫作兩三峯

招友人宿

銀地無塵金菊開紫梨紅棗墮莓苔一泓秋水一輪月今夜故人來不來

古戰處

鬼氣蒼黃棘葉紅昔時人血此時風可憐極目無疆地曾落將軍一陣中

漁者

風惡波狂身似閑滿頭霜雪背青山相逢略問家何在回指蘆花滿舍間

送李四校書

元孚

朱絲寫別鶴冷冷詩滿紅箋月滿庭莫學楚狂
隳姓字知音還有子期聽

寄南山景禪師

一度林前見遠公靜聞真語世情空至今寂寞
禪心在任起桃花柳絮風

月夜懷劉秀才

獨夜相思但自勞阮生吟罷夢雲濤此時小定
未禪寂古塔月中松磬高

哭劉得仁

為愛詩名吟至死風魂雲魄去難招直須桂子

落墳上生得一枝冤始消

上歸州刺史于公代通牒二首 懷濬

家在閩山東復東其中歲歲有花紅如今不在
花紅處花在舊時紅處紅類苑闕

家在閩川西復西其中歲歲有鶯啼如今不在
鶯啼處鶯在舊時啼處啼類苑闕

看金陵圖

齊已

六朝圖畫戰爭多最是陳宮計數訛若愛蒼生
似歌舞隋皇自合恥干戈

寄南嶽秦禪師

江頭默想坐禪峯。白石山前萬丈空。山下獵人應不到。雪深花鹿在庵中。

酬光上人

禪言難後到。詩言坐石心。同立月。竟應記前秋。會吟處。五更猶立老松根。

片雲

水底分明天上雲。可憐形影似吾身。何妨舒作從龍勢。一雨吹消萬里塵。

寄清谿道者

萬重千疊紅霞嶼。夜燭朝香白石龕。常寄谿窻

凭危檻。看經影落古龍潭。

送胎髮筆寄仁公

此惟胎髮內秋豪。綠玉新裁管束牢。老病手疼無那爾。却資年少寫風騷。

偶作寄王祕書

七絲湘水秋深夜。五字河橋日暮時。借問祕書郎。此意靜彈高詠有誰知。

謝惠紙

烘焙幾工成曉雪。輕明百幅疊春冰。何消才子題詩外。分與能書貝葉僧。

荅文勝大師

纔把文章干聖主。便承恩澤換禪衣。應嫌六祖空傳衲。只向曹溪永息機。

寄懷文英大師

著紫袈裟名已貴。吟紅菡萏價兼高。秋風曾憶相留處。門對平湖滿白濤。

懷道林

四絕堂前萬木秋。碧參差影壓湘流。閑思宋杜題詩板。一上凭欄到夜休。

辭主人四首

放鶴

華亭又復去芝田。丹頂霜毛性可憐。縱與乘軒終誤主。不如還放去遼天。

放猿

堪憶春雲十二峯。野桃山杏摘香紅。王孫可念愁金鎖。縱放斷腸明月中。

放鷺鷥

白蘋紅蓼碧江涯。日暖雙雙立睡時。願揭金籠放歸去。却隨沙鶴鬪輕絲。

放鸚鵡

有句自色句

卷之三十九

二五

隴西蒼巘結巢高。本為無人識翠毛。今日籠中強言語。乞歸天外啄含桃。

白前城中懷山友。日望雙立碑。碑上金銀

春城來往桃李碧。暖豔紅香斷消息。吾徒自有山中鄰。白晝冥心坐嵐壁。

荆門歸路指湖南。千里風帆與可諳。好聽鷓鴣啼雨處。木蘭舟晚泊春潭。

時事嬾言多忌諱。野吟無王若縱橫。君看三百

篇章首何處。分明著姓名。

贈琴客

曾攜五老峯前過。幾向雙松石上彈。此境此聲誰更愛。掀天羯鼓滿長安。

勉吟僧

萬途萬轍亂真源。白晝勞形夜斷魂。忍著袈裟把名紙。學他低圻五侯門。

夏日城中作二首

三面僧鄰一面牆。更無風路可吹涼。他年捨此歸何處。青壁紅霞裏石房。

歸何處。青壁紅霞裏石房。

歸何處。青壁紅霞裏石房。

歸何處。青壁紅霞裏石房。

歸何處。青壁紅霞裏石房。

歸何處。青壁紅霞裏石房。

歸何處。青壁紅霞裏石房。

竹低莎淺雨濛濛。小檻幽窻暑月中。有境牽懷
人不會。東林門外翠橫空。

默坐

燈引飛蛾拂焰迷。露淋棲鶴壓枝低。冥心坐睡
蒲團穩。夢到天台過剡溪。

水邊行

身着袈裟手杖藤。水邊行止不妨僧。禽棲日落
猶孤立。隔浪秋山千萬層。

翡翠

水邊飛去青難辨。竹裏歸來色一般。磨吻鷹鷂

莫相害。白鷗鴻鶴滿沙灘。

送藏休上人二首

事遂鼎湖遺劍履。時來渭水擲魚竿。欲知賢聖
存亡道。自向心機反覆看。

一枝霜雪未霑頭。爭遣藏休肯便休。學盡世間
難學事。始堪隨處任虛舟。

幽齋

幽院纔容箇小庭。疎篁低短不堪情。春來猶賴
鄰僧樹。時引流鶯送好聲。

贈念法華經僧

萬境心隨一念平。紅芙蓉。圻愛河清。持經功力能如是。任駕白牛安穩行。

對菊

無豔無妖別有香。栽多不爲待重陽。莫嫌醒眼相看過。却是真心愛澹黃。

送惠空北遊

君向峴陽遊聖境。我將何事託多才。丁寧墮淚碑前過。寫取斯文寄我來。

寄懷歸州馬判官

三年爲倅興何長。高臥應多事少忙。又見秋風

霜裊樹。滿山椒熟水雲香。

觀荷葉露珠

霏微曉露成珠顆。宛轉田田未有風。任器方圓性終在。不妨翻覆落池中。

苦熱中懷玉泉寺

火雲如燒接蒼梧。原野煙連大澤枯。漫費葛衫葵扇力。爭禁泉石潤肌膚。

折楊柳詞四首

鳳樓高映綠陰陰。凝重多含雨露深。莫謂一枝柔軟力。幾曾牽破別離心。

高僧傳卷之三十六
館娃宮畔響廊前，依託吳王養翠煙。劔去國亡
臺榭毀，却隨紅樹噪秋蟬。
穠低似中陶，潛酒軟極如傷宋。玉風多謝將軍
繞營種，翠中閑卓戰旗紅。
高僧愛此遮江寺，遊子傷殘露野橋。爭似着行
垂上苑，碧桃紅杏對搖搖。

荅長沙丁秀才

月月便車奔帝闕，年年貢士過荆臺。如何三度
槐花落，未見故人攜卷來。

詠鴈

瀟湘水暖全迷鶴，邈邈川寒只有鷗。誰向孤舟
憶兄弟，坐看連鴈渡河橋。

貽九華上人

一法傳聞繼老能，九華閑臥最高層。秋鐘盡後
殘陽暝，門掩松邊雨夜燈。

紅薔薇花

晴日當樓曉香歇，錦帶盤空欲成結。鶯聲漸老
柳飛時，狂風吹落猩猩血。

謝後皮

貴向獵師家買得，攜來乞與坐禪牀。不知摘月

秋潭畔曾對何人啼斷腸

琴

隱巒

七條絲上寄淡意澗水松風生十指自乃知音
猶尚稀欲教更入何人耳

題醉僧圖

懷素

八人送酒不曾沽終日松間挂一壺草聖欲成
狂便發真堪回作醉僧圖

鷺鸞

无則
三首

白瀕紅蓼碧江涯日暖雉人雙立睡時願揭金籠
放歸去却隨沙鶴鬪輕絲

百舌鳥二首

无則

千愁萬恨過花時似向春風怨別離若使衆禽
俱解語一生懷抱有誰知
長截鄰雞叫五更數般名字百般聲饒伊搖舌
先知曉也待青天明即鳴

桐花鳥

可鵬

五色毛衣比鳳雛淡花叢裏祇無如美人買得
偏憐惜移比金釵重幾銖

題御書後又一絕

亞棲

通神筆法得玄門親入長安謁至尊莫怪出來

多意氣。艸書曾悅聖明君。

題英禪師壁

將知德行異尋常。每見持經在道場。欲識用心精潔處。一瓶秋水一爐香。

荅盧鄴

良義

風泉祇向夢中聞。身外無餘可寄君。當戶一輪惟曉月。挂簷數片是秋雲。補

山中作

處默

席簾高挂枕高欹。門掩垂蘿蘸碧溪。閑把史書眠一覺。起來山月過松西。

織婦

蓬鬢蓬門積恨多。夜闌燈下不停梭。成縑猶自陪錢納。未直青樓一曲歌。

醉吟

許碯道

閨苑花前是醉鄉。泊翻王母九霄觴。羣僊拍手嫌輕薄。謫向人間作酒狂。泊以并切


宋洪魏公萬首唐人絕句卷之三十九終

萬首絕句

卷之三十九

三十

七



丁巳孟冬二十八夕 道春為之朱句

